

[Augsburg], 25. Februar 1567

An Johannes Oporinus

UB Basel, Fr. Gr. I 11, fol. 291r.
Steinmann Nr. 781.

S. Quia fore puto, vt eae literae, quas alicui nostratum Bibliopolarum datus sum, hasce anteuertant: nunc sum breuior. Mitto Isocratem graecum abs te editum, et Latinum hic turpiter deformatum: sed vtrunque summo studio à me correctum: marginum annotationibus ita contractis, vt et graecae latinis respondeant, et quàm minimùm librum deformaturae esse videantur. Sed si tibi minus probabuntur, per me omittantur licebit. Si quid item me caecutientem, et amanuensis errata (quod facilè fit, memoria veram lectionem suggestente) non animaduertentem, aut alioqui hallucinantem fefellerit, oro atque obsecro te, vt vel ipse, vel per alium hominem doctum et diligentem corrigas, operamqüe des, vt summa manus Isocrati cum laude et gloria vtriusque nostrum imponatur. Dum tu in nondinis (quod spero et opto) rem fauente Mercurio bene gesseris: ego annotationes meas relegam diligentius, et τὰ δυσαναγνωστότερα seorsim in charta describenda curabo, et prima occasione Basileam mittam. Constitit mihi haec lucubratio magnis et diuturnis laboribus, molestijs autem incredibilius propter inscitiam et negligentiam amanuensium maximè: quae ne etiam post multiplicem relectionem me alicubi fefellerit, vereor. In quo opem et subsidium perspicacitatis et diligentiae tuae imploro, et quicquid tu correxeris, ratum habebo. Indices enim magis ac magis diffido ingenio meo, oculis verò multò magis. τὰ προοιμιακὰ καὶ ἐπιλογικὰ differe te velim. Est enim mihi cum D. Cratone archiatro Caesareo de dedicatione et alijs rebus deliberandum. Is enim si ex aula, quod cupere videtur, se subduxerit: neminem habebo, qui me Caesari commendet. Aliàs plura, nunc te valere et rem bene gerere opto. Vale.
25. Februarij 1567.

Hiero[nymus] Wolfius T[uus].